



Ang Inang Bibe At Ang Limang Sisiw

Namasyal ang inahing
bibe kasama ang
limang sisiw.

Nagpunta sila sa ilog.
Lumangoy-langoy sila
rito.

Masayang-masaya
sila.



Tumbampreso

Maiingay ang mga bata.

Naglalaro sila.

Tumbampreso ang kanilang laro.

May mga pamato sila.

Itinutumba nila ang mga lata.



Ang Malusog Na Bata

Malusog na bata si Cindy.

Umiinom siya ng gatas.

Kumakain siya ng itlog at gulay.

Masigla kung kumilos si Cindy.

Paano ay malusog ang kanyang katawan.



Ang Sinigang Ng Nanay

Nagluto ng sinigang si
Nanay.

Bangus ang kanyang
isinigang.

Kamyas at kamatis ang
ginamit niyang
pang-asim.

Kangkong, talong at sitaw
Ang inilahok niyang
gulay.



Marumi Si Neneng

Ang dumi-dumi ni
Neneng

Pinaliguan siya ng
Nanay.

Binihisan siya ng damit
na panlaro.

Sinuklayan siya.

Nilagyan siya ng laso sa
buhok.

Maganda na si Neneng.



Ang Santol

Nakakain ka na ba ng
santol?

Ito ay isang prutas.

May santol na
matamis.

May santol na maasim.

Lima ang buto nito.

Hindi ito nilulunok.



Pista Ng Bayan

Pista ng bayan.

May palamuti ang
kalsada.

May musikong
lumiligid.

Maraming bisita ang
dumarating.

Masasarap ang mga
pagkain.



Ang Alaga Ni Mario

May alaga si Mario.

Matabang-mataba na
ito

Malapit na niya itong
ipagbili.

“Oink, oink,”

Malungkot na sa sabi
nito.



Ang Uniporme

Papasok na sa
paaralan si Minda.
Nagsuot siya ng
uniporme.

Puti ang kanyang
blusa.

Asul ang kanyang
palda.

Itim ang kanyang
sapatos.



Ang Aking Alaga

Ako ay may alaga.

Masipag manghuli
ng daga.

Binibigyan ko siya ng
isda.

Siya ang mahal
kong pusa.



Ang Ating Bandila

Hayun ang ating
bandila.

Puti, dilaw, bughaw
at pula.

Tingnan mo ang
bandila.

Sagisag ng ating
bansa.



Nagbakasyon


Nagbakasyon ang
mag-anak.

Nagpunta sila sa
Baguio.

Sumakay sila sa bus.

Limang araw sila roon.

Sumakay sila muli sa
bus sa pag-uwi.



Ang Mag-aaral

Binuksan ni Arding
ang kanyang bag.

Kumuha siya ng
kwaderno.

Kumuha siya ng
lapis.

Binuklat niya ang
isang aklat.



Ang Bakasyon

Malapit na ang
bakasyon.

Masasaya ang mga
bata.

Maglalaro sila.

Pinakahihintay nila
ang bakasyon.



Ang Alaga Ni Enteng

May alagang inahing
manok si Enteng.

Mayroon itong pitong
sisiw. “Siyap, Siyap!”
ang sabi nila.

Ang ibig sabihin,
“Ibig naming ng
butil.”



Ang Pasko

Malapit na ang pasko.
Gumawa ng parol ang
Tatay.

Isinabit niya ito sa
bintana.

Inayos ng Nanay ang
Christmas Tree.

Nilagyan niya ito ng
palamuti.



Ang Manika Ni Dulce

May bagong manika
si Dulce.

Rosas ang kulay ng
damit ng manika.

Mahaba ang itim na
buhok nito.

Nakalalakad din ito
kapag inaakay.



Ang Ibon

Nakakalipad ang ibon.
May pakpak at
buntot ito.

Magaan at hugis-
bangka ang katawan
nito.

Nababalot ang ibon
ng balahibo.



Masayang Kaarawan


Kaarawan ni Lilia.

Masasarap ang kanyang
handa.

May malaking cake,
sorbetes at pansit.

Masayang-masaya si Lilia.

Masayang-masaya rin
ang kanyang mga
kaibigan.



Ako Ay Kabayo

Kaibigan ninyo ako.

Mabilis akong
tumakbo.

Kalesa ang hila-hila
ko.

Pagkain ko'y
laging damo.



Ang Bangka Ni Romy

Kumuha ng isang
malaking pirasong
papel si Romy.

Nilupi-lupi niya ito.

Nakagawa siya ng isang
bangka.

Pinalutang niya ito sa
tubig.



Umaga Na!

Madilim-dilim pa.

“ Tiktilaok!” ang sabi
ng manok.

Nagising si Aling
Lina.

Tumayo siya at
pumunta sa kusina.




Si Cita

Nasa halamanan si
Cita.

Namimitas siya ng
mga rosas.

Ilalagay niya ito sa
plorera.

Iaalay niya ito sa
Birhen.



Tuwing Linggo

Linggo na naman.

Bihis na bihis ang Nanay at
Tatay.

Bihis na bihis si Linda at
Manoling.

Pupunta sila sa simbahan.
Mamamasyal sila
pagkasimba.



Maghulaan Tayo

May isang bulaklak.
Wala itong bango.
Pula ang kulay nito.
Anong bulaklak ang
Tinutukoy ko?



Batang Malinis

Laging malinis si Lani.
Malinis ang kanyang
damit.

Malinis ang kanyang
kamay.

Malinis ang kanyang
gamit.



Ang Alaga Ni Rene

May alagang loro si Rene.
Periking ang pangalan
nito.

Nakapagsasalita ang loro
ni Rene.

Nasasabi nito ang
“Kumusta Ka” at Salamat
po”.



Ang Kartero

Masipag si Mang
Boni.

Isa siyang kartero.

Nagdadadala siya ng
mga sulat.

Nagpupunta siya sa
bahay-bahay.

Laging pagod si Mang
Boni.

Ngunit masaya pa rin




Ang Araw

Tingnan mo ang araw.
Nakakasilaw!

Kailangan ng halaman
ang init nito.

Kailangan din ito ng
hayop.

Kailangan ito ng lahat.



Kaarawan ng Nanay

Kaarawan ng Nanay.

Naglinis ng bahay ang kuya.

Nag-ayos ng mesa ang Ate.

Nagluto ng pagkain ang Tatay.

Ginulat nila ang Nanay.

1, 2, 3, 4, 5
6, 7, 8, 9 10

Mga Bilang

Isa, dalawa

Tatlo, apat

Lima, anim

Pito, walo

Siyam, sampu!



Ako Ay Aso

Ako ang
nagbababantay sa
bahay.

Kagalit ko ang
pusa.

Tinatahulan ko ito.
Hinahabol ko ito.



Si Nene

Malikot si Nene.

Kinuha niya ang
gunting.

Kinuha niya ang aklat
ni Kuya.

Ginupit-gupit niya ito.

Nakita siya ng Nanay.

Nagalit ang Nanay.



Ang Tuta Ni Eric

Magkaibign sina Eric at Bong.

Kaarawan ni Eric.

Binigyan siya ni Bong ng tuta.

Malago at itim ang balahibo nito.

“Aw, Aw!” ang sabi nito kay Eric.




Si Olet

Pitong taon na si
Olet.

Nag-aaral na siya.

Nasa unang
baitang na siya.

Si Bb. Santos ang
kanyang guro.



Gatas at Itlog

Mabuti sa katawan
ang gatas.

Mabuti sa katawan
ang itlog.

Nagpapalakas ang
gatas at itlog.

Nakapagpapalusog
ang mga ito.



Ang Lola

Matanda na si Lola.

Maputi na ang
kanyang buhok.

Kulubot na ang
kanyang balat.

Ngunit malakas pa
siya.

Inaalagaan niya kami.